

Akashvani, Sambalpur

SAMBALPURI NEWS EVENING BULLETIN

18 November 2025- 7.02 pm- 7.12 pm.

- ୧- ନୂଆଦିଲ୍ଲୀ ନ ଜାତୀୟ ଜଳ ପୁରସ୍କାର -୨୦୨୪ ପ୍ରଦାନ କଲେ ରାଷ୍ଟ୍ରପତି ।
- ଭଲ ପ୍ରଦର୍ଶନ ଲାଗି କଳାହାଣ୍ଡି ସହେତେ ଓଡ଼ିଶାର ୫ ଟା ଜିଲ୍ଲା ପୁରସ୍କୃତ ।
- ୨- ପ୍ରଧାନମନ୍ତ୍ରୀ ଆଏବା କାଏଲ୍ ପିଏମ୍ କିଷାନ ସମ୍ମାନ ନିଧି ଯୋଜନାର ବାଟ୍‌ରେ ୨୧ ନମ୍ବର କିଛି ।
- ୩- ୨ ଦିନିଆ ଜିଲ୍ଲାପାଲ୍ ସମ୍ମିଳନୀକେ ଉଦ୍‌ଘାଟନ କଲେ ମୁଖ୍ୟମନ୍ତ୍ରୀ ।
- ମିଶନ ମୋଡ୍‌ଥୁ କାମ୍ କରବାରକେ ଦେଲେ ପରାମର୍ଶ ।
- ୪- ସୁଶୀଲ୍ ମେହେର ହେବେ ଇ ବଛର ବରଗଡ୍ ଧନୁଯାତ୍ରାର କଂସ ମହାରାଜ୍ ।

ଆଉର

- ୫- ସମ୍ବଲପୁର ନ ଡିସେମ୍ବର ୨ ନୁ ଜାତୀୟ ରୋଡ୍ ସାଇକେଲ୍ ଚାଲନା ପ୍ରତିଯୋଗିତା -୨୦୨୫ ହେବା ମୁଲ୍ ।

ଜଳଶକ୍ତି ପୁରସ୍କାର ଏବଂ ସୂଚୀ

ପାଏନ୍ ମିଲ୍‌ବାର ଆଉ ତାର ସୁରକ୍ଷାକେ ସୁନିଶ୍ଚିତ କରବାର ଲାଗି ସଭେ ମିଶିକରି କାମ କରବାରକେ ରାଷ୍ଟ୍ରପତି ଦ୍ରୌପଦୀ ମୁର୍ମୁ ଆହ୍ୱାନ ଦେଇଛନ୍ । ନୂଆଦିଲ୍ଲୀର ବିଜ୍ଞାନ ଭବନ ନ ‘ଜଳସଂଚୟ ଜଳ ଭାଗିଦାରୀ’ ଅଭିଯାନ ଅଧୀନଥି ହେଇଥିବା ୬ ନମ୍ବର ଜାତୀୟ ଜଳ ପୁରସ୍କାର-୨୦୨୪ ପ୍ରଦାନ କରିକରି ରାଷ୍ଟ୍ରପତି ଶ୍ରୀମତୀ ମୁର୍ମୁ କହିଛନ୍, ଏହିନିର ସମିଆଥି ଜଲ୍‌ବାୟୁ ପରିବର୍ତ୍ତନ ଜଳଚକ୍ରକେ ପ୍ରଭାବିତ କରୁଛେ । ଦେଶ ଲାଗି ପାଏନ୍‌ର ସୁପରିଚାଳନା ଜରୁରୀ ଆଏ । ଗଲାବନ୍ଧର ମୁଲ୍ ହେଇଥିବା ଜଲ୍ ସଂରକ୍ଷଣ, ଜନଭାଗିଦାରୀ କାର୍ଯ୍ୟକ୍ରମ ଅଧୀନଥି ୩ ଦଶମିକ୍ ୫ ନିୟୁତ ନୁ ଅଏତକା ଭୂତଳ ଜଳସ୍ତର ବଢ଼ାବାର ଲକ୍ଷ୍ୟଥି ଢ଼ାଟା ତିଆର କରାଯାଇଛେ ବଳି ରାଷ୍ଟ୍ରପତି କହିଛନ୍ ।

(ଭଏସ୍ ଓଭର- ରାଷ୍ଟ୍ରପତି)

ଇ ଅଭିଯାନଥି ଶ୍ରେଷ୍ଠ ରାଜ୍ୟ, ଜିଲ୍ଲା, ଗ୍ରାମ୍ ପଂଚାୟତ୍, ସହରାଂଚଲ୍ ସ୍ୱାୟତ୍ ସଂସ୍ଥା, ଅନୁଷ୍ଠାନ, ବିଦ୍ୟାଳୟ ଆଉ ବ୍ୟକ୍ତିବିଶେଷକର ସହେତେ ୧୦ ଟା ବର୍ଗଥି ୪୬ ବିଜେତାଙ୍କୁ ପୁରସ୍କୃତ୍ କରାଯାଇଛେ । ଶ୍ରେଷ୍ଠ ରାଜ୍ୟ ବର୍ଗଥି ମହାରାଷ୍ଟ୍ର ପହେଲା ଠାନ୍ ପାଇଛେ । ଭଲ୍ ପ୍ରଦର୍ଶନକାରୀ ଜିଲ୍ଲା ଭାବେ ଓଡ଼ିଶାର କଲାହାଣ୍ଡି, ରାୟଗଡ଼ା, କଟକ୍, ମୟୂରଭଞ୍ଜ୍ ଆଉ ଗଞ୍ଜାମ୍‌କେ ପୁରସ୍କୃତ୍ କରାଯାଇଛେ ।

ଭିନ୍ନ ଭିନ୍ନ ପ୍ରକଳ୍ପକେ ସଫଳତାର ସହେତେ କାର୍ଯ୍ୟକାରୀ କରିଥିବାରୁ ଇସରୁ ଜିଲ୍ଲାକେ ୨୫ ଲାଖ ଟଙ୍କା ଲେଖା ପୁରସ୍କାର ରାଶି ଦିଆଯାଇଛି । କାର୍ଯ୍ୟକ୍ରମକୁ ଜଳସମ୍ପଦ ମନ୍ତ୍ରୀ ସି.ଆର୍. ପାଟିଲଙ୍କର ସହେତେ ଅଲଗାମାନେ ଉପସ୍ଥିତ ଥିଲେ ।

ପିଏମ୍ କିଷାନ୍ ସମ୍ମାନନିଧି ଏନ୍ଏସ୍ଡି

ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ ଆସବା କାଏଲ୍ ତାମିଲନାଡୁର କୋଏମ୍ବାରୁ ନ ପିଏମ୍ କିଷାନ୍ ସମ୍ମାନ ନିଧି ଯୋଜନାର ୨୧ ନମ୍ବର କିଷ୍ତିର ସାହାଜ୍ ଟଙ୍କା ବାଟ୍‌ରେ । ଦେଶର ୯ କୋଟିରୁ ଅଧିକ ଚାଷୀଙ୍କର ବେଙ୍ଗ ଖାତାକେ ୧୮ ହଜାର କୋଟିରୁ ଅଧିକ ଟଙ୍କା ହସ୍ତାନ୍ତର କରାଯିବ । ଯୋଜନାକୁ ଚାଷୀ ପରିବାରମାନଙ୍କୁ ବଛରକ୍ ୬ ହଜାର ଟଙ୍କା ଲେଖା ଦିଆଯାଇଛି ବଳି କୃଷି ଆଉ କୃଷକ୍ କଲ୍ୟାଣ ମନ୍ତ୍ରଣାଳୟ ତରଫୁ ସୁଚନା ଦିଆଯାଇଛି । ଯୋଜନାକୁ ଓଡ଼ିଶାର ୩୫ ଲାଖ ରୁ ଅଧିକ ଚାଷୀଙ୍କର ବେଙ୍ଗ ଖାତାକେ ସାହାଜ୍ ଟଙ୍କା ଆସବା ।

ଜିଲ୍ଲାପାଳମାନେ ସାଧାରଣ ଲୁକ୍କର କଥା ଧୈର୍ଯ୍ୟର ସହେତେ ଶୁନିକରି ତାର ସମାଧାନ ଲାଗି ଚେଷ୍ଟା କରୁନ୍ । ଇଟାହିଁ ପ୍ରଶାସନର ଆଧାର ବଳି ମୁଖ୍ୟମନ୍ତ୍ରୀ ମୋହନ ଚରଣ ମାଝୀ କହିଛନ୍ । ଭୁବନେଶ୍ୱର ଲୋକସେବା ଭବନ ନି ଆଏଜ୍ ଜିଲ୍ଲାପାଳ ଆଉ ଆରକ୍ଷୀ ଅଧିକ୍ଷକ୍ ସମ୍ମିଳନୀକେ ଉଦ୍ଘାଟନ କରିକରି ମୁଖ୍ୟମନ୍ତ୍ରୀ ଶ୍ରୀ ମାଝୀ କହିଛନ୍, ମିଶନ୍ ପାଠ୍ରାର ଅଧୀନଥୁ ୨୦୩୬ ମସିହାତକ୍ ରାଜ୍ୟର ଫି' ଗାଁକେ ସବୁଦିନିଆ ରାସ୍ତା, ବିଜ୍ଠି ଆଉ ପାଏନ୍ ଯୁଗାବାରକେ ଲକ୍ଷ୍ୟ ରଖାଯାଇଛେ । ଧାରିଜ୍ ସମିଆ ଭିତ୍ରେ ଇ ଲକ୍ଷ୍ୟ ହାସଲ୍ କରବାର ଲାଗି ମିଶନ୍ ମୋଡ୍ଡୁ କାମ୍ କରବାରକେ ମୁଖ୍ୟମନ୍ତ୍ରୀ ଜିଲ୍ଲାପାଳମାନକୁ ପରାମର୍ଶ ଦେଇଛନ୍ । ସରକାରୀ ନଥୁପତ୍ର, ନୋଟିସ୍, ବିବରଣୀ ଆଉ ବିଜ୍ଞାପନ୍ଥୁ ଓଡ଼ିଆ ଭାଷା ବେଭାର କରିକରି ଜନପ୍ରତିନିଧି ମାନକୁ ସମ୍ମାନ ସହେତେ ବେଭାର କରବାରକେ ମୁଖ୍ୟମନ୍ତ୍ରୀ ପରାମର୍ଶ ଦେଇଛନ୍ ।

(ଭଏସ୍ ଓଭର୍- ମୁଖ୍ୟମନ୍ତ୍ରୀ)

ସମ୍ମିଳନୀଥୁ ରାଜସ୍ୱ ଆଉ ବିପର୍ଯ୍ୟୟ ପରିଚାଳନା ମନ୍ତ୍ରୀ ସୁରେଶ୍ ପୂଜାରୀ ଯୋଗ୍ ଦେଇକରି ଜନକୈନ୍ଦ୍ରିକ ପ୍ରଶାସନ ବ୍ୟବସ୍ଥା ଉପ୍ରେ ଧାନ ଦେବାରକେ ପରାମର୍ଶ ଦେଇଛନ୍ । ଜମି- ଅଧିଗ୍ରହଣ୍ ବାବଦ୍ ସମସ୍ୟା ଆଉ ତାର ସମାଧାନ ଦିଗେ ବୈଠକ୍ ଆଲୋଚନା କରବାର ସହେତେ ରାଜସ୍ୱ ପ୍ରଶାସନ୍ଥୁ ଦରକାରୀ ସଂସ୍କାର୍ ଆଉ ରାଜସ୍ୱ ରେକର୍ଡ଼ର

ଆଧୁନିକକରଣ କରାଯିବା ବଳି ମନ୍ତ୍ରୀ ଶ୍ରୀ ପୂଜାରୀ
କହିଛନ୍ ।

ସୁପୋଷିତ ଓଡ଼ିଶା ଡାକ୍ତରୀ I&PR

ଉପମୁଖ୍ୟମନ୍ତ୍ରୀ ପ୍ରଭାତୀ ପରିଡ଼ା ଭୁବନେଶ୍ୱର ଲୋକସେବା
ଭବନ ନି ଆଏଇ ସୁପୋଷିତ ଓଡ଼ିଶା ଡାକ୍ତରୀ,
ପୋଷଣ କର୍ମଚାରୀଙ୍କୁ ବହି, ରକ୍ଷା ବହିର ଉନ୍ନୋତନ
କରବାର ସହେତେ ଅଜ୍ଞାନବାଡ଼ି କେନ୍ଦ୍ରମାନଙ୍କେ ନିଆଁଲିଭା
ବ୍ୟବସ୍ଥାର ଶୁଭାରମ୍ଭ କରିଛନ୍ । ଇ ଅବସରେ ଶ୍ରୀମତୀ
ପରିଡ଼ା କହିଛନ୍, ପୋଷଣ, ପ୍ରୋସାହନ ଆଉ ଲୁକ୍କୁ
ସଚେତନ କରବାର ଲାଗି ମହିଳା ଆଉ ଶିଶୁ ବିକାଶ
ବିଭାଗ ତରଫୁ ବହୁତ୍ତେ ପଦକ୍ଷେପ ନିଆଯାଉଛି ।
ସୁଭଦ୍ରା ଯୋଜନା ନୀତି ଆୟୋଗର ଗୁଡ଼େ ଭଲ ପ୍ରଶାସନ
ମୋଡ଼େଲ୍ ଥି ଜାଗା ପାଇଛି ବଳି ଉପମୁଖ୍ୟମନ୍ତ୍ରୀ
କହିଛନ୍ ।

ରାଉରକେଲା ସ୍ମାର୍ଟ ସିଟି ବୈଠକ I&PR

ରାଉରକେଲା ସ୍ଵାର୍ଚ୍ଚ ସିଟି ଲିମିଟେଡ୍‌ର ୩୧ ନମ୍ବର ବୋର୍ଡ୍
ବୈଠକ୍ ଗଲାକାଏଲ୍ ଉନ୍ମୟନ୍ କମିଶନର ଆଉ ଅତିରିକ୍ତ
ମୁଖ୍ୟ ଶାସନ୍ ସଚିବ ଅନୁ ଗର୍ଗଙ୍କର ଅଧକ୍ଷତାଥି
ହେଇଯାଇଛି । ବୈଠକ୍‌ଥି ରାଉରକେଲା ନ କାର୍ଯ୍ୟକାରୀ
ହେଉଥିବା ପ୍ରକଳ୍ପମାନଙ୍କର ଅଗ୍ରଗତି ବାବ୍ଦେ ସମୀକ୍ଷା
କରାଯାଇଥିଲା । ରାଉରକେଲା ସହରାଂଚଳକେ
ରୂପାନ୍ତରଣ କରିକରି ଲୁକ୍କର ଜୀବନ୍ ଧାରଣ ଥିତିଥି
ଉନ୍ମତି ଆନ୍‌ବାର ଉପରେ ଜୋର ଦିଆଯାଇଥିଲା ।

ଧନୁଯାତ୍ରା -କଳାକାର ବରଗଡ୍ ସମାଦଦାତା

ବିଶ୍ଵପ୍ରସିଦ୍ଧ ବରଗଡ୍ ଧନୁଯାତ୍ରା ଲାଗି କଳାକାର ବାଛ୍‌ବାର
ପ୍ରକ୍ରିୟା ଶେଷ୍ ହେଇଛି । ଇ ବଛର୍ କଂସ ଭୂମିକାଥି ଅଭିନୟ
କରବାର ଲାଗି ଜିଲ୍ଲାର ଭେଡେନ୍ ବୁକ୍ ଚିଚିଣ୍ଡା ଗାଁର ସୁଶୀଲ୍
ମେହେରଙ୍କୁ ବଛାଯାଇଛି ବଳି ଅତିରିକ୍ତ ଜିଲ୍ଲାପାଲ୍ ମହେନ୍ଦ୍ର
ମହାପାତ୍ର ଘୋଷ୍ଣନା କରିଛନ୍ ।

(ଭବସ୍ ଓଭର୍-ଅତିରିକ୍ତ ଜିଲ୍ଲାପାଲ୍)

ଆଏବା ମାସର୍ ୨୪ ତାରିଖ୍‌ନୁ ମୁଲ୍ ହେବାରକେ ଥିବା
ଧନୁଯାତ୍ରା ଲାଗି ସେନାପତି, ମହାମନ୍ତ୍ରୀ, ଚାଣୁର, ମୁଷ୍ଟିକ

ସହେତେ ଭିନ୍ ଭିନ୍ ଚରିତ୍ରଥୁ ଅଭିନୟ କରବାରକେ ଭିଲ୍
କଳାକାର ବଛାଯାଇଛେ ।

ଦେବ ଦିପାବଳୀ ପୁରୀ ସମ୍ବାଦଦାତା

ପୁରୀ ଶ୍ରୀମନ୍ଦିର ନ ଆଏବାକାଏଲ୍ଠାନ୍ତୁ ୩ ଦିନତକ୍
ମାହାପୁରୁମାନକର ଦେବ ଦିପାବଳୀ ନୀତି କରାଯିବା । ଇ
୩ ଦିନ ମାହାପୁରୁମାନେ ପିତୃପୁରୁଷଙ୍କର ଉଦ୍ଦେଶ୍ଠ
ଦୀପଦାନ କରବାର ସହେତେ ଶ୍ରାଦ୍ଧ ତର୍ପଣ କରବେ । ଇ
ସମିଆଥୁ ମାହାପୁରୁମାନେ ଶ୍ରାଦ୍ଧ ବେଶ୍ଠ ସଜାହେବେ ।

ନିଶାମୁକ୍ତ ଯୁବଭାରତ ଅଭିଯାନ ସମ୍ବଲପୁର ସମ୍ବାଦଦାତା

ସମ୍ବଲପୁର ରେଲ୍ଠମଣ୍ଡଳ ତରଫୁ ନିଶାମୁକ୍ତ ଯୁବଭାରତ
ଅଭିଯାନଥୁ ଗୁଟେ ସଚେତନତା ଶୋଭାଯାତ୍ରା
ହେଇଯାଇଛେ । ଶୋଭାଯାତ୍ରାଥୁ ମଣ୍ଡଳ ରେଲ ପ୍ରବନ୍ଧକ୍
ସୁବାସ ଚନ୍ଦ୍ର ଚୌଧୁରୀ, ଅତିରିକ୍ତ ମଣ୍ଡଳ ରେଲ ପ୍ରବନ୍ଧକ୍
ମନ୍ଜିତ୍ ସିଂଙ୍କର ସହେତେ ବରିଷ୍ଠ ଅଧିକାରୀମାନେ ଯୋଗ୍
ଦେଇକରି ନିଶା ବେଭାରର କୁପରିଶାମ୍ ବାବ୍ଦେ
ସଚେତନ କରିଥିଲେ ।

ଏକତା ପଦଯାତ୍ରା

ବୌଦ୍ଧ/ ବଳାଙ୍ଗିର

ଲୌହ ମାନବ୍ ସର୍ଦ୍ଦାର୍ ବଲ୍ଲଭ୍ ଭାଇ ପଟେଲ୍‌ଙ୍କର ଶହେ ୫୦ ତମ୍ ଜୟନ୍ତୀ ବନ୍ଧୁ ପାଳନ୍ ଅବସରେ ବଳାଙ୍ଗିର ଜିଲ୍ଲା ପାଟ୍‌ନାଗଡ୍ ନ ଜିଲ୍ଲା ପ୍ରଶାସନ୍ ତରଫୁ ଏକତା ପଦଯାତ୍ରାର ଆୟୋଜନ୍ କରାଯାଇଥିଲା । କାର୍ଯ୍ୟକ୍ରମ୍ଥୁ ବଳାଙ୍ଗିର ସାଂସଦ୍ ସଂଗୀତା କୁମାରୀ ସିଂହଦେଓ, ରାଜ୍ୟସଭା ସାଂସଦ୍ ନୀରଞ୍ଜନ୍ ବିଶି ଯୋଗ୍ ଦେଇକରି ପଦଯାତ୍ରା ଉଦ୍‌ଘାଟନ୍ କରବାର୍ ସହେତେ ସର୍ଦ୍ଦାର୍ ପଟେଲ୍‌ଙ୍କୁ ସ୍ମରତା କରିଥିଲେ । ଇ ଅବସରେ ଗୁଟେ ତ୍ରିରଙ୍ଗା ଶୋଭାଯାତ୍ରା ଭିଲ୍ ହେଇଥିଲା ।

ସେନ୍ତା ବୌଦ୍ଧ ନ ଭିଲ୍ ଆଏଜ୍ ଏକତା ପଦଯାତ୍ରାର ଆୟୋଜନ୍ କରାଯାଇଥିଲା । କାର୍ଯ୍ୟକ୍ରମ୍ଥୁ କନ୍ଧମାଲ୍ ସାଂସଦ୍ ସୁକାନ୍ତ ପାଣିଗ୍ରାହୀ, ବୌଦ୍ଧ ବିଧାୟକ୍ ସରୋଜ୍ କୁମାର୍ ପ୍ରଧାନ୍ ଯୋଗ୍ ଦେଇକରି ପଦଯାତ୍ରାର ଉଦ୍‌ଘାଟନ୍ କରିଛନ୍ । ଅତିରିକ୍ତ ଜିଲ୍ଲାପାଲ୍ ଅନିରୁଦ୍ଧ ପ୍ରଧାନ୍‌ଙ୍କର ସହେତେ ଜିଲ୍ଲାସ୍ତରୀୟ ଅଧିକାରୀ ଆଉ ବରିଷ୍ଠ ପୁଲିସ୍ ଅଧିକାରୀମାନେ ଭିଲ୍ ଯୋଗ୍ ଦେଇଥିଲେ । ପଦଯାତ୍ରା ବୌଦ୍ଧ ଜଗନ୍ନାଥ ମନ୍ଦିର ନୁ ବାହାରିକରି ମହାନଦୀ ବ୍ରିଜ୍ ଛକ୍‌ତକ୍ ଯାଇଥିଲା ।

ଜାତୀୟ ରୋଡ୍ ସାଇକେଲ୍ ଚାଳନା ପ୍ରତିଯୋଗିତା

ସମ୍ବଲପୁର ସମ୍ବାଦଦାତା

ସମ୍ବଲପୁର ନି ଆଏବା ମାସର ୨ ତାରିଖ ୩୦ ନମ୍ବର ଜାତୀୟ ରୋଡ୍ ସାଇକେଲ୍ ଚଳାବାର୍ ପ୍ରତିଯୋଗିତା - ୨୦୨୫ ମୂଲ୍ ହେବା । ତିସେମ୍ବର ୨ ତାରିଖ୍ତକ୍ ହେବାର୍ତ୍ତକେ ଥିବା ପ୍ରତିଯୋଗିତାଥି ୨୮ ଟା ରାଜ୍ୟ ଆଉ ସବୁ କେନ୍ଦ୍ରଶାସିତ୍ ଅଂଚଲ୍ନୁ ହଜାରେ ନୁ ଅଏତ୍ତକା ପ୍ରତିଯୋଗୀ ଭାଗ୍ ନେବେ । ବରିଷ୍ଠ, କନିଷ୍ଠ ଆଉ ଉପକନିଷ୍ଠ ବର୍ଗ୍ଥି ନକ୍ସାପାଲି ଓଭରଭିଜ୍ନୁ ଇ ପ୍ରତିଯୋଗିତା ମୂଲ୍ ହେବା ବଲି ଅତିରିକ୍ତ ଜିଲ୍ଲାପାଲ୍ ଅଶୋକ୍ ଭୋଇ ସୂଚନା ଦେଇଛନ୍ ।

ପ୍ରାଣୀ ଚିକିତ୍ସା ଶିବିର

ନୂଆପଡ଼ା ସମ୍ବାଦଦାତା

ନୂଆପଡ଼ା ଜିଲ୍ଲା ବୋଡ଼େନ୍ ବ୍ଲକ୍ ଫର୍ସରା ଗାଁ ନ ପ୍ରାଣୀ ଚିକିତ୍ସା ଶିବିର୍ ହେଇଯାଇଛେ । ଶିବିର୍ଥି ଅଂଚଲ୍ର ଗୃହପାଲିତ୍ ପ୍ରାଣୀମାନକର୍ ସ୍ବାସ୍ଥ୍ୟର୍ ଯାଂର୍ କରାଯାଇକରି ଭିନ୍ ଭିନ୍ ଟୀକା ଦିଆଯାଇଥିଲା ।

ମା ଭୈରବୀ ମହୋତ୍ସବ୍ ଉଦ୍‌ଘାଟିତ ବୌଦ୍ଧ ସମ୍ବାଦଦାତା

ବୌଦ୍ଧ ଜିଲ୍ଲା ପୁରୁଣାକଟକ୍ ମିନି ଷ୍ଟାଡ଼ିୟମ୍ ନ ମା ଭୈରବୀ ମହୋତ୍ସବ୍ ଉଦ୍‌ଘାଟିତ୍ ହେଇଯାଇଛି । ୬ ଦିନତକ୍ ହେବାର୍‌କେ ଥିବା ମହୋତ୍ସବ୍‌ଥୁ ସାଂସ୍କୃତିକ୍ କାର୍ଯ୍ୟକ୍ରମ୍ ସହେତେ ଖାଦ୍ୟ ମେଳାର୍ ଆୟୋଜନ୍ କରାଯାଇଛି । ପହେଲାଦିନେ ଆଏଜ୍ କନ୍ଧମାଲ୍ ସାଂସଦ୍ ସୁକାନ୍ତ ପାଣିଗ୍ରାହୀ, ବୌଦ୍ଧ ବିଧାୟକ୍ ସରୋଜ୍ କୁମାର୍ ପ୍ରଧାନ୍ ଅତିଥି ଭାବେ ଯୋଗ୍ ଦେଇଥିଲେ ।

ଫୁର୍ବଲ୍ ଚୁର୍ଣ୍ଣାମେଟ୍ ନୂଆପଡ଼ା ସମ୍ବାଦଦାତା

ନୂଆପଡ଼ା ଜିଲ୍ଲା ଖଡ଼ିଆଲ୍ ରାଜା ଆର୍ତ୍ତତ୍ରାଣ ହାଇସ୍କୁଲ୍ ପଡ଼ିଆ ନ ଫୁର୍ବଲ୍ ଚୁର୍ଣ୍ଣାମେଟ୍ ଉଦ୍‌ଘାଟିତ୍ ହେଇଯାଇଛି । ଉଦ୍‌ଘାଟନୀ ଉତ୍ସବ୍‌ଥୁ ଖଡ଼ିଆଲ୍ ବିଧାୟକ୍ ଅଧିରାଜ୍ ପାଣିଗ୍ରାହୀ ଯୋଗ୍ ଦେଇଥିଲେ । ଆଏବା ମାସ ୪ ତାରିଖତକ୍ ହେବାର୍‌କେ ଥିବା ପ୍ରତିଯୋଗିତାଥୁ ୬୯ ଟା ଦଲ୍ ଭାଗ୍ ନେଇଛନ୍ ।

ପାଣିପାଗ୍ ଆର୍‌ଏନ୍‌ୟୁ/ ସମ୍ବଲପୁର

ସାରା ରାଏଜେ ଶୀତ୍‌ର ପ୍ରଭାବ୍ ଲାଗି ରହିଛି । ଆଏଜ୍ ଶୀତ୍
ସାମାଏନ୍ କମିଛି । ଆଏବା ୩ ଦିନ୍ ଭିତ୍ରେ ରାତିର୍
ତାପମାତ୍ରା ଆହୁରି ୨ ନୁ ୩ ଡିଗ୍ରୀତକ୍ ବଢ଼ିକରି ଶୀତ୍ ଟିକେ
କମିପାରେ ବଳି ଭୁବ୍‌ନେଶ୍ୱର୍ ଆଂତଲିକ୍ ପାଣିପାଗ୍ ବିଜ୍ଞାନ
କେନ୍ଦ୍ର ତରଫୁ କୁହାଯାଇଛି । କେତେଟା ଜାଗା ନ କୁହୁଡ଼ି
ଭିଲ୍ ହେଇପାରେ । ଆଏବା ୨୪ ଘଂଟା ଭିତ୍ରେ
ଝାରସୁଗୁଡ଼ା, ସୁନ୍ଦରଗଡ଼, କନ୍ଧମାଲ୍ ଆଉ ଖୋର୍ଦ୍ଧା ଜିଲ୍ଲା ନ
ଶୀତ୍ ଲହରୀ ଲାଗି ରହେବା ବଳି କେନ୍ଦ୍ର ତରଫୁ ସତର୍କ
ସୂଚନା ଜାରି କରାଯାଇଛି ।